

# جریده علمی

مشیت جلیله اسلامیة مک جریده رسمیه سیدر

اوائل محرم ۱۳۳۳

عدو: ۷

آیده بر نشر اولنور

برنجی سنه

## « حال حرب » اراده سنیه تی

« حکومت سلیه تک روسیه و فرانسه وانکلتره دولتری ایله حال حربده بولوندیغنه دائر شرفصادر اولان اراده سنیه حضرت خلافتنهاهی صورت منیفه سیدر »

شهر حالک اون آلتنجی کونی دونانمای هایونک بر قسمی طرفندن قاره دکزده مانورا اجرا ایدیلکده اولدینی صروده قاره دکز بوغازینه طورپیل دوکمک وظیفه سی ایله حرکت ایتدیکی بالآخره آکلاشیلان روسیه دونانماسندن بر طاقی مذکور مانورالری اخلال ومتعاقباً اظهار مخضمه ایله بوغازه طوغرو حرکت ایتهلریله دونانمای هایون طرفندن مقابله اولونمقله برابر شایان تأسف اولان شو حادثه حقنده حکومت سنیه جه روسیه دولته مراجعت ایله تحقیقات اجرایی و وقعه اسبابنک ظاهره اخراجی تکلیف وبو صورتله بیطرفلی محافظه به ایتام ایدیش اولدینی حالده روسیه دولتی مراجعت واقعیه جواب اعطا ایتکسزین سفیرینی کری جلب ایلدیکی کبی قوای عسکریه سی ده ارضروم حدودینی نقاط مختلفه دن تجاوز ایتمه سنه وبوصروده فرانسه وانکلتره دولتری دخی سفیرینی کری چاغردقن بشقه انکلیز و فرانسه دونانمالری مشترکاً چناق قلعه به وانکلیز قروواوزورلری عقبه به طوب آتمق صورتیه بالفعل مخصامته ابتدار و اخیرآده دول مزبورده دولت عثمانیه ایله حال حربده بولونقلرینی اعلان ایلدکلرینه بناء حکومت

عثمانیه جده مستنداً بتوفیقاۃ الله تعالی مذکور اوچ دولت ایله حال حرب اعلانی اراده ایله دم .

بو اراده سنیه نك اجراسنه هیئت وكلا مأموردر .

۲۲ ذی الحجه ۱۳۳۲ ۲۹ تشرین اول ۱۳۳۰

محمد رشید

|                     |                                                  |                                  |
|---------------------|--------------------------------------------------|----------------------------------|
| حربیه ناظری         | شیخ الاسلام و اوقاف هایون ناظری                  | صدراعظم و خارجیه ناظری           |
| انور                | خیری                                             | محمد سعید                        |
| بحریه ناظری         | عدلیه ناظری و شورای دولت رئیس و کیلی             | داخلیه ناظری و مالیه ناظر و کیلی |
| احمد جمال           | ابراهیم                                          | طلعت                             |
| تجارت و زراعت ناظری | معارف ناظری و پوسته و تلغراف و تلفون ناظر و کیلی | نافعه ناظری                      |
| احمد نسیمی          | شکری                                             |                                  |

\*  
\*\*

بیاننامه نمایون



« اردو و دونامامه »

« دول معظمه آره سنده حرب اعلان ایدیله سی اوزرینه هردائم ناکهانی و حقسز »  
 « تجاوزلره اوغرایان دولت و مملکت مزك حقوق و موجودیتنی فرصتجو دشمنلره قارشی »  
 « ایجابنده مدافعه ایده بیلیمك اوزره سزلی سلاح آلتنه چاغرمشیدم . بوصوله مسلح »  
 « بر بی طرفلق ایچنده یاشامقده ایکن قره دکز بوغازینه طورپیل قویمق اوزره یوله چیقان »  
 « روس دوناماسی ، تعلیم ایله مشغول اولان دونامامزك بر قسمی اوزرینه آنسزین »  
 « آتش آچدی . حقوق بین المله معیار اولان بو حقسز تجاوزك روسیه جانبندن تصحیحنه »  
 « انتظار اولنورکن كرك مذکور دولت و كرك متفقاری انکلتزه و فرانسه دولتری »